

OHR pozdravlja sporazum o mostarskim školama

Ured Visokog predstavnika srdačno pozdravlja sporazum o budućem zajedničkom korištenju školskih zgrada u Mostaru, koji su juče potpisali nadležni organi kantona, grada i općina u Mostaru.

Visi zamjenik Visokog predstavnika, ambasador dr. Matei Hoffmann smatra da je sporazum, između ostalog, rezultat združenih i usmjerenih napora OHR-a i drugih međunarodnih organizacija u cilju uspostave racionalnog i modernog sistema obrazovanja u Bosni i Hercegovini. Ovi naponi vode ka sve rasprostranjenijem mišljenju u BiH da segregacija u sadašnjim obrazovnim sistemima stoji na putu pomirenja, rezultira niskim obrazovnim standardima i sprečava integraciju Bosne i Hercegovine u Evropu.

Mostarski sporazum će doprinijeti boljem razumijevanju među učenicima, većoj toleranciji i visim standardima obrazovanja u cijelom regionu.

Ambasador Hoffmann smatra da je mostarski sporazum dio uspješnih pregovora koji su doveli i do ponovne uspostave multietničkih škola u Stocu i Varešu.

Sporazum o zajedničkom korištenju zgrade Gimnazije u Mostaru je od posebne važnosti budući da je već davno trebao biti postignut, kao i zbog toga što predstavlja još jedan korak ka ujedinjenju Mostara. OHR se nada da će Gimnazija ponovo postati centar u kojem se promovira kvalitet i dijalog.

OHR očekuje od Parlamenta Federacije da usvoji prijedloge o upotrebi sredstava koja bi donirao OPEC (Organizacija zemalja izvoznica nafte), da bi se ta sredstva stavila na raspolaganje. Sredstva će biti iskoristena za daljnji popravak

zgrade Gimnazije, kao i za rekonstrukciju određenog broja školskih objekata sirom zemlje.

OHR također očekuje da se od septembra 2000. godine u Mostaru i drugim mjestima u BiH u potpunosti implementiraju sve mjere utvrđene u Sporazumu i Deklaraciji o obrazovanju, koje su potpisali entitetski ministri obrazovanja 10. maja 2000. u OHR-u u Sarajevu.